

mine decem, Medico drachma, Adulatori talenta quinque, Consiliario fumus, scorto talentum, Philosopho triobolus. Secunda circumstantia *Quid* admonet, quæ donamus, petita esse debere ex propriis facultatibus, cum non sit misericordia ex alienis largiri. Tertia circumstantia *Cur* finem respicit, qui, quemadmodum in omni virtute, ita etiam hoc loco ipsum honestum esse debet: nam si pecuniam des alteri, quo ille genio indulgere possit, aut instrumenta paret, quibus aliis noceat, jam ab honesto disceditur. His Theologus addit Dei gloriam, animæ salutem, & aliorum divinorum munerum impetrationem. Quarta circumstantia τὸ *Quantum*, sive quantitatem observat, ubi monitore Cicerone *Lib. I. de Officiis*: videndum est, ne major benignitas sit, quam facultas. Quinta circumstantia est *Temporis*, ut scilicet tum exhibeantur beneficia, cum res exigit. Ingratum est beneficium, inquit Seneca *Lib. II. de Beneficiis*, quod inter manus dantis diu hæsit. Et secundum Aufonium Epigram. LXXXI:

Gratia quæ tarda est, ingrata est, gratia namque cum fieri properat, gratia grata magis.

Hinc etiam obtinet tritum illud: *Liberalis non facit syllogismum*, quod non accipiendum eo sensu, quasi plane non consideret, cui, & quantum dare velit; sed quod non disputet secum, an digno accipienti dare velit & debeat? Sexta circumstantia est *Loci*, hoc est ut secreto potius, quam palam libera-

2.
Quid?

3.
Cur?

4.
Quantum?

5.
Quo tempore?

Liberalis non facit syllogismum.

6.
Quo loco?

litas loco?